



## МЕСЯЦА МАЯ В 28-й ДЕНЬ

Преподобнаго отца нашего Никиты,  
епископа Халкидонскаго

НА ВЕЧЕРНИ

Стихиры преподобнаго Никиты, глас 4.

Подобен: Яко добля:

**А**враама страннолюбное / и Исаака боголюбное, / Иакова нехитростное подражав, / терпение изобразил еси Йова Авситидийскаго, / и кротость Давидову, / и Моисеово незлобие, / помазанием святым, / якоже Аарон древле, / помазан, святителю Богоносе, / чудотворче священне.

Многое беззлобие твоё / злобу прогна демонскую / благодатию Божественнаго Духа, / спостраданием твоим возвеселив Бога, / Егоже возжелал еси, / молитв прилежанием просветися дух твой. / Темже приял еси чудес благодать / целити недуги, Никито, / благочестно притекающим к тебе.

Сродством связаемы, / законы удержайте Святаго Духа, священницы, / и, стопам последующе бывше пастыря Богомудраго, / облиставшаго лучи преславных исцелений, / украситесь подобными виды исцелений, / преславный Никито со Игнатием Богомудрым.

### Стихіры Богородицы, глас и подобен тойже:

Осуждѣнія избави, Пресвятая Богоневѣсто, / и лю́тых прегрешѣній / смиренную мою ду́шу, / и смѣрти измени моли́твами Твоими, / и да́руй оправда́ние получи́ти в день испытáния, / е́же получи́ша святыхъ собо́ри, / пока́нием очище́на мя прѣжде конца́ покажи́ / и слѣзными излия́нии.

Ту́чами Ду́ха Пресвѣтаго, Пречы́стая, / мою́ мысль ороси́, / Я́же ка́плю рож́дшая, Христа́, / неисче́тно безме́рная беззако́ния челове́ков щедро́тами измѣвша́ю; / изсуши́ исто́чник страсте́й моихъ / и пото́ка мя сподо́би пи́щи живы́я / прѣсно моли́твами Твоими.

Пока́нния изры́дное и спаси́тельное врачевство́, / Я́же Бо́га рож́дшая, Спа́са моего́, / и слез то́ки, и часа́ помысл, гро́знаго и стра́шнаго, / и Суда́ неумы́тнаго / Ты ми да́руй избежа́ти моли́твами Твоими, о Де́во! / мучѣнныя трѣпетнаго / и Божѣственную уллучи́ти благода́ть.

### Сла́ва, и ны́не, Богородичен:

Тьма́ми, Пречы́стая, обеща́хся / пока́нныя сотвори́ти о моихъ согрешѣ́нныих, / но не оставя́ет мя любима́ый зол моихъ обы́чай. / Сего́ ра́ди Тебе́ вопи́ю и припа́даю, моля́ся: / Ты мя, Влады́чице, изми́ такова́го мучи́тельства, / наставля́ющи мя к лу́чшим / и спасѣ́нныя близ су́щим.

### Крестобогородичен:

На Крестѣ́ Тя я́ко узрѣ́ пригвожде́на, Го́споди, / А́гница и Ма́ти Твоя́ дивля́шеся / и, что́ видѣ́нныя сие́, — взыва́ше, — Сы́не возжелѣ́нныя? / сия́ Ти неве́рный собо́р воздаде́, беззако́нный, / и́же мно́гих Твои́х чуде́с насладивы́хся. / Но сла́ва неизглаго́ланному соше́ствию Твоему́, Влады́ко.

### Тропа́рь, глас 4:

**П**рави́ло ве́ры и о́браз крото́сти, / воздержáнныя учи́теля / яви́ ты ста́ду твоemú, / Я́же веще́й исти́на. / Сего́ ра́ди стяжа́л еси́ смире́нныя высóкая, / нището́ю богáтая, / о́тче Никито́, / моли́ Христа́ Бо́га / спасти́ся душáм на́шим.

### Кано́н, глас 4.

## Песнь 1

**Ирмос:** Моря чермную пучину / невлажными стопами / древний пешешествовав Израиль, / крестообразными Моисеевыми руками / Амаликову силу в пустыни победил есть.

Божественными светолитии, преподобне, облистан, световиден был еси; / верно светоносное твое усмение творящая просвети, / страстей мглу отъемля.

Явился еси световидными деянии, света исполнен, / сущия в нощи лютыя просвещая и к свету Небесному наставляя Духом, / отче Никито священне.

Чудес облистаети дарования / приступающим всегда священней твоей раце, / вместо трудов и болезней твоих от Бога воздаяние сие, преблаженне, прием.

**Богородичен:** Без семене Отчею волею от Божественнаго Духа Божия зачала еси Сына / и плотию родила еси из Отца без матери, / нас же ради из Тебе без отца бывша.

## Песнь 3

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

Вознеслся еси, смирився Христа ради, / и бровь, преподобне, мысленнаго змия Духом в землю смирил еси.

Великих от Бога сподобився даров, / велик священник был еси, отче святителю Богоприятне.

Беззлобием твою жизнь, якоже младенец, совершая, / погубил еси врагов, преподобне, всю злобу благодатию.

**Богородичен:** Едину в женах благословенную Богородицу, / яко Божие селение преблаголепно, вси радостию прославим.

## Седален, глас 4.

**Подобен:** Скоро предварі:

От младенства взял твой крест, / благочестно Христу последовал еси, / увядив плотское воздержанием мудрование, / темже на святительсте седален

лици, Никіто, вознёсл есі Владыку, / знаменными  
различными твою украсивша раку, Богоблажен-  
не.

### **Слава, и ныне, праздника или Богородичен:**

**Ч**истая, Всенепорочная и Неискусомужная, /  
Яже едина Безлётнаго Сына и Слова Божия в лето  
рождши, / Сего со святыми и честными патриархи,  
и мученики, и пророки, и преподобными моли /  
даровати нам очищение и велию милость.

### **Крестобогородичен:**

**На** Кресте Тя возвышена яко узре Пречистая  
Мати Твоя, Слове Божий, / матерски рыдаючи,  
вещаше: / что новое и странное сие чудо, Сыне  
Мой? / Како, Жизнь всех, вкушаеши смерти, /  
оживити мертвые хотя, яко Милосерд?

### **Песнь 4**

**Ирмос:** Вознесена Тя видевши Церковь на  
Кресте, / Солнце праведное, / ста в чине своем, /  
достойно взываючи: / слава силе Твоей, Господи.

**В**сенощными бдении и вседневными, отче Бого-  
мудре, стоянии, / плоти движения вся увядил еси  
и, радуясь, взывал еси: / слава силе Твоей,  
Господи.

**П**овинул еси непокорное плоти твоей душевны-  
ми силами, Богомудре, / приял еси благодать,  
всеблаженне, отгоняти духи и очищати недуги.

**С**илою Божественною укрепляемь, святителю, /  
демонския полки победил еси вся, / победы, яко  
тезоименит, венец чудес от Венцедавца наследил  
еси.

**Богородичен:** Украсилася еси духовными красо-  
тами, / Отцу Собезначальнаго Слова зачениши и  
плотию рождши, Дево Всенепорочная, / Егоже о  
мире моли.

### **Песнь 5**

**Ирмос:** Ты, Господи, мой Свет, / в мир пришел  
еси, / Свет Святой, обращающа из мрачна  
неведения / верою воспевающа Тя.

**К**ротостию яве души украшаемь, / вселился еси,  
святителю, в землю кратких, блажен быв.

**Струями, отче, напоишься дарований Духа, / целения желаящим источаеши, Никито Богомудре священне.**

**Житие твое, светом добродетелей сияя, / якоже многоценною утварию, чудес благодатию, всеблаженне, украсися.**

**Богородичен: Тя оружие непобедимое на враги предлагаем, / Тя утверждение и надежду нашего спасения, Богоневесто, стяжачом.**

### Песнь 6

**Ирмос: Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.**

**Свеща светозарная троичная возсияла есть, / со Игнатием Никита, священное самобратство, / и подают исцеления верным, светло блистающе.**

**Друг другу по плоти мудрии сродствующе, / истиннаго по Духу сродства ныне сподобистася, единопоравно, / и Богу благоугодно поживша.**

**Губительныя отбег ересей тины честным поклонением Христовы иконы, / еже по образу спасл еси, святителю Никито Богоприятне.**

**Богородичен: Дверь, еюже пройде един Вьшний, / покаяния ми двери и входы отверзи спасения, / от всякаго мя соблюдаючи вреда, Всенепорочная.**

### Кондак, глас 8.

**Подобен: Возбранной:**

**Светлостию дел твоих просиял еси, преподобне, / апостольскаго престола наследник был еси, Никито, / и, яко солнце, облистал еси твоей пастве, отче, / вся Божественных учений исполнь. / Темже зовем ти: / радуйся, Халкидону удобрение.**

### Песнь 7

**Ирмос: В пещи авраамстии отроцы персидстей, / любовью благочестия паче, / нежели пламенем, опаляеми, взываху: / благословен еси в храме славы Твоея, Господи.**

Со святители водворяешия войстинну, отче мудре, / сияния мысленнаго исполняемь, / и нас озари, / взывающия: / благословен еси в храме славы Твоея, Господи.

Яко пастыреначальник, яко Божий предстатель непорочен, / Сему чисты жертвы, светло воспевая, принесл еси: / благословен еси в храме славы Твоея, Господи.

Пастырь показался еси, / словесною, Никито, цевницею стадо словесное к пажити истинных учений призывая, / благословен еси, — вопия, — в храме славы Твоея, Господи.

Исповеданием житие украсив, отче, / целений благодать истинную от Духа приял еси, / благословен еси, Боже мой, — вопия, — в храме славы Твоея, Господи.

**Богородичен:** Да обожит человечество явися Человек, Отроковице, / из чрева Твоего плоть Избавитель заимовав хотением. / Благословенна Ты в женах, Пренепорочная Владычице.

### Песнь 8

**Ирмос:** Руце распростер, Даниил / львов зияния в рове затче, / огненную же силу угасиша, / добродетелию препоясавшися, / благочестиярачители отроцы, / взывающе: / благословите, вся дела Господня, Господа.

Великих трудов воздаяния яве приим: свет неизглаголаный, / жизнь безсмертную, преподобне, и чертог неразоримый, / Венцедавцу твоему Христу вопиеша, радуясь: / благословите, вся дела Господня, Господа.

Милостию милости ища, нищия удоволил еси, / убогия напитал еси, нагия одеял еси, / славы себе одежду притворяя, / монашествующих образ, Никито, был еси, вопиющих: / благословите, вся дела Господня, Господа.

Церковь быв прекрасна Божественнаго Духа ума чистотою, / отгоняеши духи лукавствия и недуги очищаеши, / приходящим к тебе и вопиющим: / благословите, вся дела Господня, Господа.

Могий вся о Христе, и ныне яснейши и чистейши Богу соединяясь, / предстани, егоже стяжал

еси, стаду, преподобне, / творящему твоё верно  
Божественное усупение и вопиюще: / благословите,  
вся дела Господня, Господа.

**Богородичен:** Вселься во Твоё чрево, Христос, /  
всяческих Господь, якоже изволи, / святейшу Тя  
показа Ангел, Мати Дево, / освящение и просвеще-  
ние нам дарова, вопиющим: / благословите, вся  
дела Господня, Господа.

### Песнь 9

**Ирмос:** Камень нерукосечный / от несекомыя  
горы, Тебе, Дево, / краугольный отсечёся, / Хри-  
стос, совокупивый разстоящаяся естества, / тем,  
веселящися, Тя, Богородице, величаем.

Свещеннолепно последуя твоему тезоименитому  
и Божественному, / сего сподобился еси образом,  
Никито, отче Богоблаженне, / и зарю Духа благо-  
датною обогатился еси, Богодохновенне.

Явистесь, Тройческою благодатию обогатящися,  
Богосцы, / равно от нея приемше исцелений  
Божественное действо / и чисто поживше и бого-  
угодно, досточуднии.

Днесь память твою, отче, паче солнца блистает  
сиянием добродетелей, / чудесы вселенную озаря-  
юще и верныя уясняюще / священнотайнниче  
всечестне.

Якоже денносветлыя звезды, отче Никито, / со  
священнодейственным Игнатием явльшися, / вся  
убо просветите, благочестивии и блаженнии, /  
восхваляющия вас всегда.

**Богородичен:** Света жилище явилася еси, / от  
Отца прежде денницы Слово возсиявшего, / Отро-  
ковице Дево, едина Богорадованная, / и верныя  
просвещаго, и преподобныя венчавшаго.

**Преподобный Никита Исповед-  
ник** жил во второй половине VIII ве-  
ка. За свою святую и добродетельную  
жизнь он был возведен в сан епископа  
Халкидонского. Святитель Никита  
отличался милосердием, всегда помо-  
гал нищим, принимал в своем доме  
странников, заботился о сиротах и  
вдовах, заступался за обижаемых. В  
царствование иконоборца Льва Ар-  
мянина (813—820) святитель Никита

мужественно обличал иконоборче-  
скую ересь и убеждал своих пасомых  
благоговейно поклоняться святым  
иконам Господа Иисуса Христа, Бо-  
жией Матери и угодников Божиих.  
За свое исповедничество святитель  
перенес много страданий от нечести-  
вого императора и его единомышлен-  
ников-иконоборцев, был подвергнут  
мучениям и отправлен в ссылку.  
После смерти императора святой Ни-

кита возвратился на святительскую кафедру.

Скончался святой Никита Исповедник в начале IX века. У мощей, которые находились в Халкидоне, совершались чудесные исцеления и другие различные знамения. «Знаменьями различными твою украсивша раку, богоблаженне, целение желающим источаеши»,— свидетельствует об этом богослужебный текст. В каноне службы святителю, написанном константинопольским пресвитером и песнописцем Иосифом, прославляется также брат святителя Никиты— святой Игнатий.

## Литература

1. Святитель Димитрий, митрополит Ростовский. Жития святых. Т. 9. М., 1908.
2. Филарет (Гумилевский), архиепископ Черниговский. Жития святых, чтимых Православной Церковью. Май. СПб., 1885.
3. Дестунис С. Жития святых. Май. СПб., 1892.
4. Настольная книга священнослужителя. Т. 3. М., изд. Московской Патриархии, 1979.



В  
ТОЙЖЕ  
ДЕНЬ

## Иже во святых отца нашего Игнатия епископа, Ростовскаго чудотворца

На Господи, возвах: стихиры, глас 8.

Подобен: О, преславнаго чудесе:

**П**реподобне отче Игнатие, / ты еще во утробе  
матерни / святительства прозвание / имя прием  
в наречении. / Ты измлада Христа возлюбил еси, /  
прием паству словесных овец, / добре пасл еси  
Церковь Христова, / тем твоё празднуем успение, /  
радостью Христа величающе, / возвеличившаго  
тебе, Своего угодника.

**П**реподобне отче Игнатие, / испроси к Богу  
молитвами твоими Церкви утверждение: / святители  
покрой милостию твоёю, / христоробивому  
воинству победы даруй на враги и одоление, / и  
недвижиму и небориму сохранитися граду нашему,  
и верным людем грехов оставление, / всем  
притекающим к раце мощей твоих, / светло творящих  
празднество успения твоего: / за ны, святе,  
помолися.

**П**реподобне отче, Богомудре святителю Игнатие,  
ты бо воистинну явился еси, / просвещая всех  
омраченная сердца, / наставляя на путь истинный.  
Ты был еси убогих, и сирых и вдовиц



заступник, / вельмож твердое наказаніе и утверждение, / и всем, верою притекающим под кров Пречистыя Божія Матере, / испроси, святе, грехов оставленіе, / моляся за ны ко Владыце.

### Слава, глас тойже:

Апостолом ревнителя, / Игнатія, преблаженнаго отца и учителя, / сошедшеся, восхвалим, / имже Христа Бога познахом / и, от тьмы к свету приближающеся, / очи и сердца просвещаем, / в память его ликовствующе, купно веселимся, / обретше вождя правоверна во Царствіе Христово.

### И ныне, Богородичен.

**Вход. Прокимен дне. И чтенія 3 святительская**  
(*зри страницы 488—490*).

### На стиховне стихиры, глас 1.

**Подобен: Всехвальнии:**

Богомудре Игнатіе, / твоѣ мѣщи, радующеся, пресветло целуем / и почерпаем благодать цельбам, любезно тя хваляще / и верою непрестанно молящеся: / Христу молися даровати душам нашим / мир и велию милость.

**Стих:** Священницы Твоѣ облечутся в правду, / и преподобнии Твоѣ возрадуются.

Исцелений воды твоѣ рака притекающим источает всегда, / святителю досточудне, / и омывает страсти, / и потопляет полки бесовския / действием Святаго Духа. / Темже молися даровати / душам нашим мир и велию милость.

**Стих:** Честна пред Господем / смерть преподобных Его.

Апостолом сопредстольна, / иерархом единомудренна, / постником единоревнителя восхвалим, / учителей печать и Божественное изображеніе Христовых таин, / святителю блаженне. / Емуже молися даровати душам нашим / мир и велию милость.

### Слава, глас 6:

Православныя веры / духовныя ради мудрости / учитель явился еси, Игнатіе блаженне, / Христа

обрёт наставника, / советы злославныя еретичества разсыпал еси. / Тем молим тя, святе: / молися Христу Богу о нас, / до конца еже от тебе известованную правую веру / недвижиму сохранить нам / и получитьи велию милость.

**И ныне, Богородичен.**

**Тропарь, глас 4:**

**Б**лаговѣрия просвѣща учѣнии, / святительства приѣм паству / и апостолов наследник быв, / тем приѣл еси от Бога дар чудес, / святителю отче Игнатие, / моли Христа Бога, / да спасет души наша.

**Канон, глас 8.**

**Песнь 1**

**Ирмос:** *Воду прошед, яко сушу, / и египетскаго зла избежав, / израильтянин вопиаше: / Избавителю и Богу нашему поим.*

**Отче** Богомудре, святителю Игнатие, / отверзми ми, недостойному, устне воспети тя / и приими, яко кадило, от убожества моего, / еже ти принесох, недостойный.

**Воспоем** вси священнаго святителя Игнатия, / почтим заступника, и утверждение граду нашему Ростову, / и хранителя неусыпна.

**Спасительным** Христовым заповедем последовал еси, премудре святителю Игнатие: / вдовицам и сирым был еси заступник / и граду нашему великое защищение.

**Богородичен:** Пречистая Богородице, Содетеля и Спаса породивши всем, поющим Тя, / спаси от бед град Твой Ростов, / непрестанно молящи Сына Твоего за ны и Бога нашего.

**Песнь 3**

**Ирмос:** *Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю верных утверждение, / едина Человеколюбче.*

**Сокруши** супостаты безбожныя, преподобне, молением твоим к Творцу и Богу / и силу их,

вооружённую на ны, / поганская нашёствия покорí под нóги вёрному во́инству на́шему.

**Ты** проявил еси́, Влады́ко, последнему́ роду на́шему чудотворца́ святителя́ Игна́тия, / граду́ Ростóву утверждéние, / Цёркви Твоей́ исто́вое пра́вило, / иерейскому́ же чину́ наставника́.

**Прикосну́вшись**, свя́те, пречестна́го тѣла твоего́ Стефа́ну архимандриту́, / пѣрсту́ ручно́му, к длáни прикóрчившуся от рожде́ния, / Бóжиею благода́тию дал еси́ простира́тися.

**Богородичен:** Бúди ми, Дѣво, прибѣжище, и приста́нище, / и стена́ необорима́, и Засту́пница, / Яже Бога́ поро́ждши плóтию, Пречы́стая, / Избáвителя́ всещédраго и Спа́са пою́щим Тя, Богоневѣстная́.

### Седáлен, глас 8.

**Подóбен:** Премúдрости:

**Украша́ясь** премúдростию́ рáзума, / горды́ню низложил еси́ плóтскія́ тяготы́ / и был еси́ обите́лице Дúха Пресвята́го, / непремѣнным простира́ясь рáзумом к Любя́щему тя. / Тем, рѣвностию́ Божѣственною́ разгара́ясь, сла́вне, / сы́рых, и убóгих, и вдови́ц был еси́ засту́пник, / гра́да же Ростóва утверждéние, / яв́всья Ангеломъ собесѣдникъ, святителю́ Игна́тие, / моли́ Христа́ Бóга грехóв оставлѣние даровáти, / чту́щим любóвию святы́ю пáмять твою́.

### Сла́ва, и ны́не, Богородичен:

**Небѣсную́** дверь и кивóт, / пресвяты́ю гóру, свѣтлы́й óблак воспо́йм, / неопали́мую купину́, словѣсный рай, Ёвы́ воззвáние, / вселѣнныя́ всея́ вели́кое сокрови́ще, / я́ко спасѣние в Ней соделася́ мíрови и оставлѣние дрѣвних согрешѣний. / Сего́ ради́ вопи́емъ Ей: / моли́ся Сы́ну Твоему́ прегрешѣ́ний оставлѣние даровáти / благочѣстно поклоня́ющимся Всесвято́му Рождеству́ Твоему́.

### Песнь 4

**Ирмо́с:** Услы́шах, Гóсподи, / смотре́ния Твоего́ та́инство, / разуме́х дела́ Твоя́ / и просла́вих Твоѣ́ Божество́.

**Благода́тию** Богонóсец нарица́емъ во́истинну,

Игна́тие, / во Христа́ облéклся еси́ жити́я ра́ди  
чисто́ты / и научи́л еси́ сла́вити в Тро́ице Еди́наго  
Бо́га.

**И**збáви ста́до твоё от грехо́вныя бу́ри, Игна́тие  
святите́лю, бед же и скорбе́й, / приводя́ в приста́-  
нище Божéственныя во́ли Его́.

**Я**ви́лся еси́ вои́стинну Хри́стов уго́дник, о́тче  
Игна́тие: / моля́ся не преста́й от напа́стей, и бед, и  
скорбе́й избáвити ста́до твоё, / от ну́жды и печа́ли.

**Богоро́дичен:** Священно́ сла́вят Тя святите́ль-  
стии собо́ри и всех преподо́бных ли́цы: / Зиждите́-  
ля бо их я́ко Младенца́ на руку́ Твое́ю понесла́ еси́,  
Богоро́дице.

### Песнь 5

**Ирмо́с:** *Вскую́ мя отрину́л еси́ / от лица́ Твоего́,  
Свете́ незаходи́мый, / и покры́ла мя е́сть чужда́я  
тьма, ока́яннаго? / Но обрати́ мя и к све́ту за́пове-  
дей Твои́х / пути́ моя́ напра́ви, молю́ся.*

**О**крест сто́яще ра́ки твоея́ святите́лю Игна́тие, /  
тя имее́м к Бо́гу ходата́я, и заступле́ние гра́да  
твоего́ Ростова́, / и утвержде́ние необори́мо.

**М**илостив быв убо́гим, мило́сть душе́вную испро-  
си́, прехва́льне, / мило́стыню стяжа́в, о́тче Игна́-  
тие, / свещу́ све́тлу устро́ил еси́.

**Ж**или́ще быв Пресвята́го Ду́ха вои́стинну, бла-  
же́нне Игна́тие, / Того́ явленными́ Божéственными  
дарми́ до́бре обогати́лся еси́.

**Богоро́дичен:** **М**иро́ та́йное Ты имену́ем, Пречи́-  
стая, / я́ко ро́ждши Бо́га плоти́ю, / источа́ющего  
Божéственное миро́ всем, притека́ющим под кров  
Твой.

### Песнь 6

**Ирмо́с:** *Очи́сти мя, Спа́се, / мно́га бо беззако́ния  
моя́, / и из глубины́ зол возведи́, молю́ся, / к Тебе́ бо  
возопи́х, и услы́ши мя, / Бо́же спасе́ния моего́.*

**Ж**ити́е твоё целому́дренно, священно́явленне,  
соверши́в, пра́вдою украси́лся еси́, / и му́жеством  
смы́сла добродете́ли сочта́в себе́, / преблаже́нне  
святите́лю Игна́тие.

**С**охрани́ град твой Росто́в, преблаже́нне свя́ти-  
телю Игна́тие, / от безбо́жных и чужеве́рных

нахождений и усобныя рати, / моляся не престаи Владыце Христу о стаде твоём.

**Т**ы убо по смерти, яко жив, / на погребении твоём прием свитки твоима рукама, / ихже священники в животё твоём освятил еси Богу, / рече бо Господь: / прославляющаго Мя прославлю.

**Богородичен:** Превышши бысть Вышних сил, Богоблагодатная, / зачёрная Слово Божие неизречённо, всяческая словом сотворшее, / от Отца прежде век рождающееся, / Того, Чистая, рождающая неизречённо.

#### Кондак, глас 4.

Подобен: Явился еси:

**Я**вился днесь пресветлая память твоё, / святителю преблаженне Игнатие, / в мире светло сияющи и являющи всем Божественное сияние.

#### Икос:

**И**з чрева матерня освященнаго святителя Господня / похвалим ныне вси, преподобнаго Игнатия, / града Ростова утверждение, / благодатныя дары приемша Божественныя славы и в чудесех славнаго, / вси, верою теплою притекающе к раце мощей его. / Тем и аз, недостойный и грешный, надеюся / молитвами его ко Владыце и Пречистой Его Матери милость прияти в День судный / содеянных мною зол и прощение получитьи, / являющи всем Божественное сияние.

#### Песнь 7

**Ирмос:** От Иудеи дошедше, отроцы / в Вавилоне иногда / верою Троицкою пламень пещный попраша, поюще: / отец Боже, благословен еси.

**О**твэрзи ми дверь покаяния, святителю Игнатие, / да омью скверну окайныя моея души / и тела моего вся чувства, / да приношу песнь Господеви, светло зовя: / отец наших Боже, благословен еси.

**И**муще тя твой раби заступника тепла / и стену небориму, града Ростова утверждение, / не убоимся супостатных врагов, / но побеждаем силою Христовою, взывающе: / отец наших Боже, благословен еси.

**У**ста́вы оте́ческими утверди́л еси́, му́дре, / це́рковь Пречи́стыя Ма́тере Бо́жия, / и священства ле́потою преукра́шенно сохра́нил еси́, / и уче́ньми тво́ими нака́зал еси́ взыва́ти: / оте́ц на́ших Бо́же, благослове́н еси́.

**Богоро́дичен:** Спаси́тельное пристáнище, Бого́родице Де́во, Тя иму́ще, / жите́йских бед и бу́ри избега́ем, / к пристáнищу ти́шины Твое́я приходи́ще и Сы́ну Твоему́ вопию́ще: / оте́ц на́ших Бо́же, благослове́н еси́.

### Песнь 8

**Ирмо́с:** На горе́ святе́й просла́вльшася / и в купине́ огне́м Приноде́вы / Моисе́ови та́йну я́вльшаго, / Го́спода по́йте / и превозно́сите во вся ве́ки.

Побе́жден быв враго́м прегреше́ньми мно́гими молв жите́йских, / ве́рою прихо́жду и, я́ко Манаси́я, вопию́ Ти, Христе́, / святите́ля моле́нием спаса́емь, зову́: / Го́спода по́йте и превозно́сите Его́ во ве́ки.

Воору́жаются на ны, смире́нныя лю́ди тво́я, / святите́лю пречестны́й Игна́тие, сы́нове Ага́рины, / но сокруши́ их невидимо́ю си́лою, / моле́нием тво́им ко Влады́це за присны́я рабы́, пою́щия: / Го́спода по́йте и превозно́сите Его́ во ве́ки.

Моли́твы, преблаже́нне, и моле́ния творя́ща тебе́ / приле́жно к Бо́гу присно́ за рабы́ тво́я, / в печа́лех заступни́ка и поборо́ника иму́ще тя к Бо́гу, от всех бед спаса́емся, / Го́спода пою́ще и превозно́сяще Его́ во ве́ки.

**Богоро́дичен:** Влады́чице, Де́во Чи́стая Препросла́вленная, / со святите́лем к Сы́ну Твоему́, Царю́, моли́ся приле́жно, / от вся́кия ну́жды и бе́ды изба́виться гра́ду Твоему́ Ростóву, / Тебе́, Госпоже́, ве́рою блажа́щу, и пою́щу, / и превозно́сящу во вся ве́ки.

### Песнь 9

**Ирмо́с:** Ужасе́ся о сем Не́бо, / и земли́ удиви́шася концы́, / я́ко Бог я́вился челове́ком плóтски / и чре́во Твое́ бысть пространне́йшее небес. / Тем Тя, Бого́родицу, / Ангелов и челове́к чинонача́лия велича́ют.

**Вельми радуется о тебе, честный отче, святителю Игнатие, присный твой град Ростов, / имея ты на всяко время помощника и заступника, / и ныне не отходи от нас, молитвы твооря за ны к Богу, / яко да от безбожных варвар нас избавиши, ты величающих.**

**Яко блудница, и мытарь, и разбойник вопио ти от сердца: / согреших, прости мя, Владыко, многих моих злых прегрешений / и избави от всякаго зла святителя молением Игнатия, / яко да Твою милость непрестанно величаем.**

**Приидите, соберемся, вси ростовстии народи, / к блаженной раце преподобнаго Игнатия / и со слезами возопиём к Богу молящеся: / избави, Господи, люди Твоя / и не даждь достояния Твоего роду исмаильтескому, / яко да возвеличим милость Твою во веки.**

**Богородичен: Марие Богоневесто, Владычице, / омраченное мое сердце с душею мольбами Твоими просвети / и жизни вечныя сподоби мя, Госпоже, / не поминаючи моих безчисленных зол, / Сына и Бога Твоего моли за мя, окаяннаго, / и певцы Твоя сохрани, Пречистая.**

### Светилен.

Подобен: Учеником:

**Чуднаго и славнаго святителя, Игнатия великаго, / приидите, песньми священными да похвалим, / яко ростовцем пастыря и ангельским чином сослужбника бывша.**

### На хвалитех стихиры на 4, глас 1.

Подобен: Небесных чинов:

**На небеси предпочил еси, веселяся, / моля за ны Пресвятую Троицу, / милость подати нам / и мирно житие и безгрешно, / яко в Ты верующим присно, / скорби гонзати и радование улучити.**

**Милосердия ради твоего / источник нам даруй благодати, / вскоре радости исполнь, / подаждь нам утешение, сущим в печалех, / моля Христа, всеславне, / спастися душам нашим.**

**Да в веселие вшед нетлеемо, / веселия дати моли / и спасти рабы твоя: / можеши бо, Игнатие, /**

призывающих тя беды вся разгнати, / моля Христа, исцелити болящия.

### Слава, глас 1:

От законнаго корене прозябш, возрасл еси, / усынения водами напоен ясно, Игнатие: / ибо Христовы Церкви, яко финикс высоковерхий, процвел еси нам, / преуцветовая верныя. / Тем, ныне со святители предстоя, / Христу молися о душах наших.

### И ныне, Богородичен.

На Литургии служба сего месяца в 23-й день святителю Леонтию Ростовскому.

**Святитель Игнатий, епископ Ростовский**, родился в благочестивой семье и был воспитан в строгих христианских правилах. В ранней юности принял постриг в Богоявленском монастыре Ростова Великого, в котором позднее за многие духовные подвиги был некоторое время настоятелем в сане архимандрита.

В 1261 году святой Игнатий был возведен на епископскую кафедру Ростова Великого. Он управлял епархией в течение 26 лет, в один из самых трудных периодов в истории Руси — монголо-татарского ига. В этих условиях епископ Игнатий самоотверженно служил Русской Церкви, утверждая паству в верности Святому Православию.

Святой Игнатий — единственный из всего сонма святых, в земле Российской просиявших, которого Господь прославил нетлением и целебным даром мощей еще до их погребения. Святой угодник Божий преставился 28 мая 1288 года. В Ростов Великий на поклонение усопшему архипастырю стали стекаться многочисленные верующие. Неутешным был их плач.

Гроб с телом облаченного в архиерейские одежды святителя из-за необыкновенного скопления народа не сразу могли внести в храм. Чин погребения совершался под открытым небом. Когда гроб понесли в храм, две благочестивые монахини, Феодосия и Ксения, и некоторые другие молящиеся увидели, как свя-



титель восстал из гроба и, как бы летя по воздуху, остановился над тем местом, которое было предназначено для погребения, благословляя собравшийся народ. Прикоснувшийся к мощам святителя, архимандрит Стефан, у которого от рождения не разгибались пальцы руки, тотчас получил чудесное исцеление. При виде чудес, которыми Господь прославлял Своего угодника, было решено не



предавать земле святыи мощи почившего.

На следующий день, когда ко гробу святителя Игнатия был принесен список с именами всех рукоположенных им при жизни священников и диаконов, усопший святитель, как живой, протянул руку и принял поданный ему свиток. Святыи мощи славного угодника Божия покоились открыто, у северной стороны иконостаса в ростовском Успенском соборе.

«Иконописный подлинник» дает следующее описание образа святите-

ля Игнатия: «Подобием сед, брада аки Алексея митрополита, на главе клубук бел, ризы святительские камчатые лазоревые, исподняя багряная, в омофоре, в руках Евангелие».

#### Литература

1. Толстой М. В. Книга, глаголемая описание о российских святых. М., 1887.
2. О святых, прославленных в Российской Церкви. СПб., 1862.
3. Бухарев И. Жития святых. М., 1892.

В  
ТОЙЖЕ  
ДЕНЬ



## Празднование Пресвятѣй Владѣгчице нашей Богородице ради иконы Ея, именуемая «Никѣйская»

### Тропарь, глас 4:

**Б**ысть чрево Твое святая трапѣза, / имущи  
Небеснаго Хлѣба, Христа, / от Негоже всяк  
ядый не умирает, / якоже рече всяческих, / Богородице,  
Питатель.

### Кондак, глас 6:

**П**редстательство христиан непостыдное, / ходатайство  
ко Творцу непреложное, / не презри грешных  
молений гласы, / но предвари яко Благая на  
помощь нас, / верно зовущих Ти: / ускори на  
молитву и потщися на умоление, / предстательствующи  
присно, Богородице, чтущих Тя.

**Икона Божией Матери Никейская** относится к наиболее древнему иконографическому типу, получившему название Оранты. На иконе изображена Пресвятая Богородица с воздетыми руками. На престоле находится потир, а в нем Богомладенец. Символический смысл композиции состоит в том, что Богородица отдает Младенца всему миру.

Историческое содержание события, связанного с прославлением иконы, следующее. В 304 г. завоеватель

Амир вторгся в пределы Малой Азии и осадил город Никею. Огромные полчища врагов наводили страх и ужас на немногочисленных воинов, оборонявших город. Не надеясь на свои силы, горожане стали искать Божественной помощи и Небесного покровительства. Но даже в этот критический момент среди защитников города не было единодушия в вере. Некий язычник Константин, видя в нашествии врагов наказание за отступление от языческой веры

отцов к христианству, решил совершить поругание над иконой Богоматери. Он схватил камень, бросил его в икону, разбил ее и затем начал попирать ногами. В следующую ночь ему явилась во сне Богоматерь и сказала: «Ты учинил великое поругание Мне. Знай, что ты сделал это себе на погибель». Наказание святотатца последовало незамедлительно. Во время сражения Константин внезапно был поражен в голову камнем и пал бездыханным.

Об этом событии было рассказано

отцам Первого Вселенского Собора (325 г.), которые установили петь перед этой иконой Пресвятой Богородицы песнопение: «Бысть чрево Твое Святая Трапеза».

### Литература

1. Поселянин Е. Богоматерь. Полное иллюстрированное описание Ее земной жизни и Ее чудотворных икон. СПб., 1908, с. 324.

2. Кондаков И. П. Иконография Богоматери. Пг., 1915, с. 124—151.



В  
ТОЙЖЕ  
ДЕНЬ

## Святителя Геронтия, Митрополита Московскаго и всей Русі

### Тропáрь, глас 6:

**Д**несь душа всяка веселится / на память успения святителя Христова Геронтия, / премудрости ревнителя / и кротости учителя, / смирению наказателя, / учением Божественных словес верныя насладившаго. / Русскаго митрополита похвалим, / святительства пáству приемшаго, / украсившаго Цérковь Христо́ву. / Тем и Христо́с видя твоё благопроизволение, / причтё ты в лик праведных, / святителю Геронтие, / моли Христа́ Бóга и Пречистую Богородицу / непрестáнно о всех нас.

### Кондáк, глас 2:

**Б**óжиим Дúхом иночество возделё / и восприя Дúха Свята́го благодáтию, / и святительства сана сподобился еси, / содержаще престóл Русския Митропóлии, / и бысть пáстырь и учитель от рóда русскаго, / пасый ста́до Христо́во словесных овéц, / и обрете благодáть от Гóспода, Геронтие святителю, / Емúже всегда́ о нас непрестáнно моли́ся, / спаси́ся душáм нáшим.

**Святитель Геронтий, Митрополит Московский**, был возведен на первосвятительскую кафедру 29 июня 1471 года. Прежде он был настоятелем Симонова монастыря в Москве, до 1455 года возведен в сан епископа Коломенского.

Время правления святителя Геронтия ознаменовано расширением церковного строительства. После пожара в апреле 1471 года был заново построен митрополичий дом и другие строения. В 1481 году им была заложена церковь Положения ризы Пресвятой Богородицы и освящена 21 августа 1486 года. При участии святителя Геронтия строился Успенский собор в Кремле, освящение которого состоялось 12 августа 1479 года. 24 августа происходило торжественное перенесение мощей святителя Петра в новый собор.

В период правления святителя Геронтия осложнились взаимоотношения Церкви с великим князем Иоанном III. Святитель Геронтий обладал твердым характером и отстаивал независимость Церкви от вторжения великого князя в церковные дела. Между ними возникали споры, в которых принимал участие и архиепископ Ростовский Вассиан, духовник великого князя. На некоторое время митрополит Геронтий оставил кафедру и удалился в Симонов монастырь. Но так как большинство духовенства признавало правоту Первоиерарха, великий князь Иоанн III просил у святителя Геронтия проще-

ния и обещал не вмешиваться в церковные дела. После этого святитель возвратился на кафедру. Будучи непреклонным в делах церковных, святитель Геронтий всегда был добрым советчиком и союзником великого князя Московского в делах государственных. Так, в 1478 году Новгород Великий был окончательно подчинен Москве. С этого времени на Новгородскую кафедру возводились архипастыри, избранные в Москве.

В 1483 году святитель Геронтий на непродолжительное время вновь удалился в Симонов монастырь из-за болезни, но вскоре возвратился и благополучно управлял церковными делами до блаженной кончины, последовавшей 28 мая 1489 года, накануне праздника Вознесения.

Святитель Геронтий был погребен в Успенском соборе Кремля. Сохранились несколько грамот и послание к великому князю, составленные митрополитом Геронтием. После кончины началось его почитание. В XVII веке в Успенском соборе была известна икона святителя Геронтия. В Иконописных подлинниках содержатся указания о написании его изображений вместе со святителями Киприаном, Фотием и другими Первоиерархами.

### Литература

Русский биографический словарь. Герберский-Гогенлоэ. М., 1916, стлб. 83—85.

